



Broj: 16-12-16-2-1454-33 /24
I. Sarajevo, 27.07.2024. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH“, br. 39/14 i 59/22), člana 7. stav (5) Pravilnika o uslovima i načinu korištenja e-aukcije („Službeni glasnik BiH“, broj 80/23) i Izvještaja o toku i završetku e-aukcije od 08.07.2024. godine, postupajući po Rješenju Ureda za razmatranje žalbi broj JN2-01-07-1-1309-9/24 od 30.05.2024. godine, u postupku javne nabavke za LOT 1 - Nabavka rezervnih dijelova sa uslugom ugradnje, popravke i održavanje službenih vozila Agencije marke Volkswagen, Škoda, Audi i Seat, na području Sarajeva, Ilidže, Vogošće, Istočnog Novog Sarajeva i Istočne Ilidže, na preporuku Komisije za provođenje postupka nabavke za potrebe Državne agencije za istrage i zaštitu u 2024. godini broj 16-12-16-1454/24 od 15.07.2024. godine, direktor Državne agencije za istrage i zaštitu, d o n o s i

O D L U K U

o izboru najpovoljnijeg ponuđača za LOT 1 - Nabavka rezervnih dijelova sa uslugom ugradnje, popravke i održavanje službenih vozila Agencije marke Volkswagen, Škoda, Audi i Seat, na području Sarajeva, Ilidže, Vogošće, Istočnog Novog Sarajeva i Istočne Ilidže

Član 1.

U postupku javne nabavke rezervnih djelova sa uslugom ugradnje, popravke i održavanja službenih vozila Državne agencije za istrage i zaštitu (daljem tekstu: Agencija), putem otvorenog postupka za dostavljanje ponuda, korištenjem e-aukcije, na preporuku Komisije za nabavke za potrebe Agencije u 2024. godinu (u daljem tekstu: Komisija) broj 16-12-16-1454/24 od 19.03.2024. godine, okvirni sporazum na period od tri godine, dodjeljuje se za:

- LOT 1 - Nabavka rezervnih dijelova sa uslugom ugradnje, popravke i održavanje službenih vozila Agencije marke Volkswagen, Škoda, Audi i Seat, na području Sarajeva, Ilidže, Vogošće, Istočnog Novog Sarajeva i Istočne Ilidže, ponuđaču „AUTODELTA“ d.o.o. Sarajevo, ponuda 16-16-1454-7/24 od 11.03.2024. godine, za ponudenu cijenu u iznosu od 117.000,00 KM bez uračunatog PDV-a, na osnovu rezultata e-aukcije od 08.07.2024. godine.

Član 2.

(1) Ponuđač „AUTODELTA“ d.o.o. Sarajevo obavezan je Agenciji dostaviti dokaz o ispunjavanju uslova iz tač. 12.1. i 13.2. Tenderske dokumentacije.

(2) Dokaz iz stava (1) ovog člana (original ili ovjerena fotokopija) ponuđač je obavezan dostaviti u roku od pet dana od dana prijema ove odluke.

Član 3.

Ova odluka se dostavlja ponuđačima u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 4.

Za izvršenje ove odluke zadužuje se Sektor za materijalno-finansijske poslove Agencije.

Član 5.

Ova odluka stupa na snagu danom donošenja.

O b r a z l o ž e n j e

Odlukom broj 16-12-16-1454-1/24 od 08.02.2024. godine pokrenut je postupak javne nabavke rezervnih dijelova sa uslugom ugradnje, popravke i održavanja službenih vozila Agencije, procijenjene vrijednosti 185.000,00 KM bez uračunatog PDV-a, za koje je obavještenje o javnoj nabavci broj 1161-1-1-39-3-51/24 objavljeno na Portalu javnih nabavki od 16.02.2024. godine i u „Službenom glasniku BiH“, broj 14/24 od 23.02.2024. godine. Za navedeni postupak javne nabavke predviđena je e-aukcija, u skladu sa Pravilnikom o uslovima i načinu korištenja e-aukcije („Službeni glasnik BiH“, broj 80/23) (u daljem tekstu: Pravilnik). Predmet javne nabavke podijeljen je na tri lota.

- LOT 1 - Nabavka rezervnih dijelova sa uslugom ugradnje, popravke i održavanje službenih vozila Agencije marke Volkswagen, Škoda, Audi i Seat, na području Sarajeva, Ilidže, Vogošće, Istočnog Novog Sarajeva i Istočne Ilidže, procijenjene vrijednosti 120.000,00 KM bez uračunatog PDV-a;

- LOT 2 - Nabavka rezervnih dijelova sa uslugom ugradnje, popravke i održavanje službenih vozila Agencije marke Ssangyong Rexton, Mazda, Mercedes, Toyota, Hyundai i KIA, na području Sarajeva, Ilidže, Vogošće, Istočnog Novog Sarajeva i Istočne Ilidže, procijenjene vrijednosti 35.000,00 KM bez uračunatog PDV-a.

- LOT 3 - Nabavka rezervnih dijelova sa uslugom ugradnje, popravke i održavanje službenih vozila Agencije marke Volkswagen, Fiat, Opel, Hyundai, Peugeot i Škoda, na području Banja Luke, procijenjene vrijednosti 30.000,00 KM bez uračunatog PDV-a;

Komisija je dana 11.03.2024. godine u 13,00 sati izvršila javno otvaranje ponuda prema datumu i vremenu prijema, numerišući koverta, te utvrdila da su blagovremeno dostavljene ukupno sedam ponuda i to:

R/B	Naziv ponuđača	LOT	Ponuđena cijena bez uračunatog PDV-a
1.	„KLIMACENTAR“ d.o.o. Sarajevo	LOT 1	115.687,08 KM
2.	„KLIMACENTAR“ d.o.o. Sarajevo	LOT 2	32.984,56 KM
3.	„AUTO-KOMERC VS“ Banja Luka	LOT 3	29.911,45 KM
4.	„AUTODELTA“ d.o.o. Sarajevo	LOT 1	119.648,76 KM sa uključenim popustom od 8%
5.	„GUMA M“ d.o.o. Sarajevo	LOT 1	117.249,16 KM
6.	„CONNECTA“ d.o.o. Sarajevo	LOT 2	34.968,12 KM
7.	„CONNECTA“ d.o.o. Sarajevo	LOT 1	113.127,94 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14 i 59/22) (u daljem tekstu: Zakon), sačinila Zapisnik o otvaranju ponuda, koji je u roku od tri dana dostavljen ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da su ponude ponuđača „KLIMACENTAR“ d.o.o. Sarajevo (LOT 1 i LOT 2), „AUTO-KOMERV VS“ Banja Luka (LOT 3), „AUTODELTA“ d.o.o. Sarajevo (LOT 1), „GUMA M“ d.o.o. Sarajevo (LOT 1) i „CONNECTA“ d.o.o. Sarajevo (LOT 1 i LOT 2), prihvatljive odnosno ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti i tehničke i profesionalne sposobnosti, kao i formalno-pravne uslove iz Tenderske dokumentacije.

U skladu sa Pravilnikom, Komisija je zakazala e-aukciju za dan 18.03.2024. godine i to za:

- LOT 1 u 11,00 sati u trajanju od 20 minuta na kojoj su učestvovali ponuđači „KLIMACENTAR“ d.o.o. Sarajevo, „AUTODELTA“ d.o.o. Sarajevo, „GUMA M“ d.o.o. Sarajevo i „CONNECTA“ d.o.o. Sarajevo;

- LOT 2 u 11,30 sati u trajanju od 20 minuta na kojoj su učestvovali ponuđači „KLIMACENTAR“ d.o.o. Sarajevo i „CONNECTA“ d.o.o. Sarajevo. Komisija nije zakazivala e-aukciju za LOT 3 u skladu sa članom 4. stav (2) Pravilnika, imajući u vidu da je za LOT 3 dostavljena jedna prihvatljiva ponuda, već je postupak javne nabavke za navedeni lot okončan u skladu sa članom 64. stav (1) tačka b) Zakona.

Odlukom broj 16-12-16-1454-12/24 od 21.03.2024. godine o izboru najpovoljnijeg ponuđača u postupku javne nabavke rezervnih dijelova sa uslugom ugradnje, popravke i održavanja službenih vozila Agencije (u daljem tekstu: Odluka), okvirni sporazum na period od tri godine, dodijeljen je za:

- LOT 1 - Nabavka rezervnih dijelova sa uslugom ugradnje, popravke i održavanje službenih vozila Agencije marke Volkswagen, Škoda, Audi i Seat, na području Sarajeva, Ilidže, Vogošće, Istočnog Novog Sarajeva i Istočne Ilidže, ponuđaču „KLIMACENTAR“ d.o.o. Sarajevo, ponuda broj 16-12-16-1454-4/24 od 28.02.2024. godine, za ponudenu cijenu u iznosu od 77.989,99 KM bez uračunatog PDV-a;

- LOT 2 - Nabavka rezervnih dijelova sa uslugom ugradnje, popravke i održavanje službenih vozila Agencije marke Ssangyong Rexton, Mazda, Mercedes, Toyota, Hyundai i KIA, na području Sarajeva, Ilidže, Vogošće, Istočnog Novog Sarajeva i Istočne Ilidže, ponuđaču „KLIMACENTAR“ d.o.o. Sarajevo, ponuda broj 16-12-16-1454-5/24 od 28.02.2024. godine, za ponudenu cijenu u iznosu od 25.984,99 KM bez uračunatog PDV-a;

- LOT 3 - Nabavka rezervnih dijelova sa uslugom ugradnje, popravke i održavanje službenih vozila Agencije marke Volkswagen, Fiat, Opel, Citroen, Hyundai, Peugeot i Škoda, na području Banja Luke, ponuđaču „AUTO-KOMERC VS“ d.o.o. Banja Luka, ponuda broj 16-12-16-1454-6/24 od 01.03.2024. godine, za ponudenu cijenu u iznosu 29.911,45 KM bez uračunatog PDV-a.

Dana 02.04.2024. godine ponuđač „AUTODELTA“ d.o.o. Sarajevo, putem punomoćnika dr. sc. Damira Katice, advokata iz Sarajeva, uložio je žalbu za LOT 1 - Nabavka rezervnih dijelova sa uslugom ugradnje, popravke i održavanje službenih vozila Agencije marke Volkswagen, Škoda, Audi i Seat, na području Sarajeva, Ilidže, Vogošće, Istočnog Novog Sarajeva i Istočne Ilidže, obzirom da smatra da Agencija nije pravilno primjenila Zakon i Zakona o upravnom postupku kada je prihvatila ponude ponuđača „KLIMACENTAR“ d.o.o. Sarajevo i „CONNECTA“ d.o.o. Sarajevo koji nisu mogli učestvovati u postupku e-aukcije i na taj način direktno uticati na smanjenje ponuđenih cijena drugih ponuđača koji ispunjavaju formalno-pravne uslove za učešće u postupku javne nabavke.

Sektoru za materijalno-finansijske poslove, Komisija je dostavila izjašnjenje na žalbu ponuđača „AUTODELTA“ d.o.o. Sarajevo broj 16-12-16-1454/24 od 11.04.2024. godine, u kojem je navedeno da je Komisija izvršila ponovni uvid u ponude ponuđača za LOT 1 „KLIMACENTAR“ d.o.o. Sarajevo, „AUTODELTA“ d.o.o. Sarajevo, „GUMA M“ d.o.o. Mostar i „CONNECTA“ d.o.o. Sarajevo, te utvrdila da su žalbeni navodi ponuđača „AUTODELTA“ d.o.o. Sarajevo djelimično osnovani. Komisija je predložila da se žalba ponuđača „AUTODELTA“ d.o.o. Sarajevo djelimično usvoji i izmjeni Odluka za LOT 1, na način da se da se okvirni sporazum dodijeli slijedećem rangiranom ponuđaču „GUMA M“ d.o.o. Mostar za ponudenu cijenu u iznosu od 81.000,00 KM bez uračunatog PDV-a, nakon provođenja e-aukcije u skladu Izvještajem o toku i završetku e-aukcije od 18.03.2024. godine.

Rješenjem broj 16-12-16-1454-18/24 od 15.04.2024. godine, usvojena je djelimično žalba ponuđača „AUTODELTA“ d.o.o. Sarajevo izjavljena na Odluku, kojom je okvirni sporazum za LOT 1 - Nabavka rezervnih dijelova sa uslugom ugradnje, popravke i održavanje službenih vozila Agencije marke Volkswagen, Škoda, Audi i Seat, na području Sarajeva, Ilidže, Vogošće, Istočnog Novog Sarajeva i Istočne Ilidže, za period od tri godine dodijeljen ponuđaču „KLIMACENTAR“ d.o.o. Sarajevo. Stavljena je van snage Odluka, kojom je okvirni sporazum za period od tri godine dodijeljen ponuđaču „KLIMACENTAR“ d.o.o. Sarajevo, za ponudenu cijenu od 77.989,99 KM bez uračunatog PDV-a, te ujedno odlučeno da se okvirni sporazum dodjeljuje ponuđaču „GUMA M“ d.o.o. Mostar, ponuda broj 16-12-16-1454-8/24 od 11.03.2024. godine, za ponudenu cijenu u iznosu od 81.000,00 KM bez uračunatog PDV-a, koliko je ponudeno na e-aukciji održanoj dana 18.03.2024. godine.

Na navedeno rješenje ponuđač „AUTODELTA“ d.o.o. Sarajevo uložio je žalbu, u kojoj je naveo da ugovorni organ nije mogao dodijeliti okvirni sporazum ponuđaču „GUMA M“ d.o.o. Mostar na osnovu rezultata e-aukcije od 18.03.2024. godine, već je trebao ponovo zakazati e-aukciju između ponuđača koji ispunjavaju uslove i to ponuđača „GUMA M“ d.o.o. Mostar i „AUTODELTA“ d.o.o. Sarajevo.

U izjašnjenju na žalbene navode ponuđača „AUTODELTA“ d.o.o. Sarajevo broj 16-12-16-1454-22/24 od 30.04.2024. godine, koje je dostavljeno Uredu za razmatranje žalbi, Agencija nije prihvatila žalbene navode ponuđača „AUTODELTA“ d.o.o. Sarajevo za poništenje e-aukcije i ponovo zakazivanje iste, imajući u vidu da su u postupku e-aukcije učestvovala četiri ponuđača, između ostalih i ponuđač „AUTODELTA“ d.o.o. Sarajevo, koji je rangiran kao četvrti, odnosno nakon djelimičnog usvajanja prve žalbe ponuđača „AUTODELTA“ d.o.o. Sarajevo, ostale su dvije prihvatljive ponude, ponuda ponuđača „GUMA M“ d.o.o. Mostar i „AUTODELTA“ d.o.o. Sarajevo.

Rješenjem Ureda za razmatranje žalbi broj JN2-01-07-1-1309-9/24 od 30.05.2024. godine, koje je protokolisano pod evidencijskim brojem Agencije 16-12-16-1454-27/24 od 18.06.2024. godine, usvojena je žalba ponuđača „AUTODELTA“ d.o.o. Sarajevo izjavljena na Rješenje o djelimičnom usvajanju žalbe broj 16-12-16-1454-18/24 od 15.04.2024. godine, u postupku javne nabavke rezervnih dijelova sa uslugom ugradnje, popravke i održavanja vozila Agencije na LOT 1 - Nabavka rezervnih dijelova sa uslugom ugradnje, popravke i održavanje službenih vozila Agencije marke Volkswagen, Škoda, Audi i Seat, na području Sarajeva, Ilidže, Vogošće, Istočnog Novog Sarajeva i Istočne Ilidže, kao osnovana. Poništene su tačka 3. i 4. dispozitiva Rješenja o djelimičnom usvajanju žalbe broj 16-12-16-1454-18/24 od 15.04.2024. godine. U navedenom rješenju, Ured za razmatranje žalbi je između ostalog naveo da se prema Pravilniku e-aukcija mora provoditi samo sa prihvatljivim ponudama. Ako su ponude prvorangiranog i drugorangiranog ponuđača ocijenjene kao neprihvatljive, a e-aukcija je s njima sprovedena, rezultati te e-aukcije nisu prihvatljivi. Stoga, bez nove e-aukcije, nije moguće pravično ocijeniti i rangirati ponude, te se postupak mora ponoviti sa preostalim prihvatljivim ponudama. Takođe je navedeno da Odluka o dodijeli okvirnog sporazuma trećerangiranom ponuđaču „GUMA M“ d.o.o. Mostar bez provođenja nove e-aukcije predstavlja kršenje procedura i principa transparentnosti i pravičnosti u postupku javne nabavke.

Imajući u vidu navedeno, postupajući po Rješenju broj JN2-01-07-1-1309-9/24 od 30.05.2024. godine, Komisija je u skladu sa članu 9. Pravilnika ponovo zakazala e-aukciju za LOT 1 - Nabavka rezervnih dijelova sa uslugom ugradnje, popravke i održavanje službenih vozila Agencije marke Volkswagen, Škoda, Audi i Seat, na području Sarajeva, Ilidže, Vogošće, Istočnog Novog Sarajeva i Istočne Ilidže, za dan 08.07.2024. godine u 11,00 h u trajanju od 20 minuta, u kojoj su učestvovali sljedeći ponuđači:

- „AUTODELTA“ d.o.o. Sarajevo, ponuđena cijena u iznosu od 119.648,76 KM sa uključenim popustom od 8% bez uračunatog PDV-a;
- „GUMA M” d.o.o. Sarajevo, ponuđena cijena u iznosu od 117.249,46 KM bez uračunatog PDV-a.

Prema Izvještaju o toku i završetku e-aukcije od 08.07.2024. godine, Komisija je sačinila konačnu rang listu ponuđača koji su učestvovali u postupku e-aukcije za LOT 1, kako slijedi:

R/B	Naziv ponuđača	Ponuđena cijena bez uračunatog PDV-a	Rang
1.	„AUTODELTA“ d.o.o. Sarajevo	117.000,00	1
2.	„GUMA M” d.o.o. Sarajevo	117.249,46	2

Shodno Izvještaju o toku i završetku e-aukcije od 08.07.2024. godine za LOT 1 Komisija je utvrdila da je od strane ponuđača „AUTODELTA“ d.o.o. Sarajevo bilo snižavanje cijena u rasponu od 0,1% do 10% od ponuđene cijene u skladu sa članom 8. Pravilnika.

Komisija je nakon provedenog postupka e-aukcije utvrdila da je ponuda ponuđača „AUTODELTA“ d.o.o. Sarajevo ocijenjena kao najpovoljnija ponuda u postupku za LOT 1, te da ista ne premašuje procijenjenu vrijednost javne nabavke za LOT 1 (procijenjena vrijednost 120.000,00 KM bez uračunatog PDV-a).

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se okvirni sporazum za period od tri godine u postupku javne nabavke za LOT 1 dodijeli ponuđaču „AUTODELTA“ d.o.o. Sarajevo, kako je navedeno u članu 1. ove odluke.


Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 2x;
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE


Darko Čulum